



# Pleiv s. Gions Mustér Rapport da gestiun 2016



## **Impressum**

Editura: Pleiv s. Gions Mustér

Ediziuin: 1050 exemplars

Stampa: La Tuatschina, Sedrun

© 2017 Pleiv s. Gions Mustér

Cuviarta: maletg principal digl altar grond ella Caplutta s. Clau e s. Silvester a Mumpé Tujetsch, designaus 1713 digl artist S. Frey. Il maletg muossa ils patruns-baselgia s. Silvester (seniester, staus papa Silvester I, morts ils 31 da december 335 a Ruma) e s. Clau (dretg, uestg Nicolaus da Mira, naschius ca. 280 e morts ils 6 da december ca. 345) sco urbidiers avon Cristus. (G. Tenner, 2017)

## **Invitaziun alla radunonza generala dalla Pleiv s. Gions/Mustér**

**Gliendisdis-Pastgas, ils 17 d'avrel 2017 allas 19.00 uras  
en halla communal Cons/Mustér**

### **Tractandas:**

1. Beinvegni ed elecziun da dus dumbravuschs
2. Protocol dalla davosa radunonza generala dils 8 d'avrel 2016
3. Elecziuns:
  - a) ugau-pervenda
  - b) ugau caplania Segnas
  - c) in/ina revisur/a da quen
4. Rapport dil president dalla pleiv
5. Rapport dil cussegl pastoral
6. Rapport da quen: Pervenda s. Gions
7. Rapport da quen: Baselgia s. Gions
8. Rapport da quen: Baselgia s. Bistgaun e s. Roc, Segnas
9. Rapport da quen: Baselgia s. Antoni, Cavardiras
10. Rapport dils revisurs da quen e scarica alla suprastonza
11. Preventivs e fixar il pei da taglia
12. Orientaziuns
13. Undraziuns
14. Varia

La pleiv porscha a mintgin/a alla fin dalla radunonza in sempel refrestg.  
Cordial invit a nossa radunonza generala.

*Per la suprastonza dalla Pleiv s. Gions/Mustér:*

*Il president:  
Aldo Tuor*

*Il vicepresidente:  
Gion Tenner*

## Protocol

dalla radunanza generala dalla Pleiv s. Gions/Mustér,  
venderdis, ils 8 d'avrel 2016 allas 20.15 uras en halla Cons, Mustér

### Tractandas:

1. *Beinvegni ed elecziun da dus dumbravuschs*
2. *Protocol dalla davosa radunanza generala digl 1. da matg 2015*
3. *Elecziuns:*
  - a) *president*
  - b) *ugau-baselgia s. Gions*
  - c) *president dil cussegl pastoral*
  - d) *commembers dil cussegl pastoral*
  - e) *revisur/a da quen*
4. *Rapport dil president dalla pleiv*
5. *Rapport dil cussegl pastoral*
6. *Rapport da quen: Pervenda s. Gions*
7. *Rapport da quen: Baselgia s. Gions*
8. *Rapport da quen: Baselgia Segnas*
9. *Rapport da quen: Baselgia Cavardiras*
10. *Rapport dils revisurs da quen e scarica alla suprastonza*
11. *Damonda da credit per la baselgia s. Antoni Cavardiras*
12. *Preventivs e fixar il pei da taglia*
13. *Orientaziuns*
14. *Undraziuns*
15. *Varia*

### 1. Beinvegni ed elecziun da dus dumbravuschs

Cun far in cordial beinvegni e cun ina cuorta meditaziun e citar il psalm 71 arva il president Linus Maissen la radunanza generala. In special beinvegni admetta el al plevon sur Georg Changeth cun cardinal Baseliros Cleemis Thottunkal, che dat a nus la honur el decuors da questa sera, als representants dalla claustra sco era als representants dalla vischnaunca da Mustér. Il president prelegia las perstgisas inoltradas. La gliesta da tractandas vegn approbada senza amplificaziuns ni correcturas. Sco dumbravuschs vegnan Andry Hendry ed Adolf Schmed elegi.

### 2. Protocol dalla davosa radunanza generala digl 1. da matg 2015

Il protocol dalla radunanza generala digl 1. da matg 2015 ch'ei vegnius redegius dalla nova actudara Corina Manetsch vegn approbaus unanimamein. Bien engraziament.

### 3. Elecziuns:

#### a) president

Sco gia annunziau igl onn vargau abdichescha Linus Maissen suenter sis onns d'uffeci sco president dalla pleiv.

Vicepresident Gion Tenner propona Aldo Tuor sco niev president dalla pleiv s. Gions. Unanimamein e cun grond applaus vegn Aldo Tuor elegius.

Gion Tenner engrazia grondamein al president partent Linus Maissen e fa in cordial beinvegni al niev president Aldo Tuor.

#### **b) ugau-baselgia s. Gions**

Claudius Berther abdichescha suenter siat onns da grond engaschi sco ugau dalla baselgia s. Gions. Il president Linus Maissen fa la proposta d'eleger Romeo Schmed sco niev ugau-baselgia. Unanimamein e cun grond applaus vegn Romeo Schmed elegius.

#### **c) president dil cussegl pastoral**

Gion Battesta Hosang ei promts da star vinavon en uffeci sco president dil cussegl pastoral e vegn reelegius unanimamein cun in grond applaus pils proxims treis onns.

Il president gratulescha ed engrazia grondamein per la buna lavur.

#### **d) commembers cussegl pastoral**

Deplorablamein han Marie Louise Deflorin e Giusep Duff abdicau sco commembers dil cussegl pastoral e sco lecturas a Segnas han Imelda Schnoz e Regina Giger medemamein abdicau. Il president admetta in grond Dieus paghi per lur grond engaschi.

Legreivlamein astgein nus beneventar Baseli Lutz sco niev commember el cussegl pastoral. Baseli Lutz vegn elegius unanimamein cun grond applaus.

#### **e) revisur/a da quen**

La suprazionza fa la proposta d'eleger Pirmin Monn sco niev revisur da quen. Quei succeda cun in grond applaus e senza objecziuns ni autras propostas.

Pirmin Monn sa buca esser presents, denton ha el dau suatientscha alla damonda.

#### **4. Rapport dil president dalla pleiv (Linus Maissen)**

Linus Maissen menziunescha specialmein la collaboraziun denter la pleiv e la cuminonza dalla claustra e conferma che quella sa funcziunar mo cun sustegn vicendeivel.

Engraziond per la confidanza duront tut quei temps da presidi, explichescha il president il plascher da siu engaschi cun tgierp ed olma, gratulescha al niev president Aldo Tuor e giavischa a tuts in buna collaboraziun e tut bien pigl avegnir.

En in cuort memento supplichescha el tuts presents da sesalzar e da seregurdar dils defuncts digl onn vargau. "Dieus detti ad els la bein meritada pagaglia en tschiel ed il ruaus perpeten."

#### **5. Rapport dil cussegl pastoral (Gion Battesta Hosang)**

Il president dil cussegl pastoral Gion Battesta Hosang engrazia specialmein per la buna lavur prestada dils commembers partents, a Marie Louise Deflorin e Giusep Duff, e fa medemamein in cordial beinvegni al niev commember Baseli Lutz. Cun drizzar a sur Georg ed a tuts augsegners gidonters, a tuts/tuttas present/as ils plaids da Reto Peritz: „Las bialas historias ein quellas, las qualas cuostan nuot, sco in engraziell ni ina perstgisa“, concluda el il plaid e giavischa in bien decuors dalla sera.

#### **6. Rapport da quen: pervenda s. Gions**

Il quen dalla pervenda s. Gions siara cun in surpli d'entradas da frs. 1'511.18.

Willi Lozza, ugau pervenda, declara en tuts detagls il quen dalla pervenda s. Gions.

#### **7. Rapport da quen: Baselgia s. Gions**

Il quen dalla baselgia parochiala s. Gions siara cun ina sminuaziun dalla facultad da frs. 9'847.72. Ugau-baselgia Claudius Berther

declara il quen en tuts detagls e fa attents specialmein sin la summa da frs. 10'750.30 pils novs aultplidaders. El engrazia oravontut per la gronda lavur e la buna collaboraziun cun las calustras dalla baselgia s. Gions, Agnes Deflorin ed Ottilia Hosang, cul president dil cussegl pastoral Gion Battista Hosang e cun las calustras da s. Placi, Trudi Lutz ed Irene Huonder.

### **8. Rapport da quen: baselgia Segnas**

Il quen dalla baselgia s. Bistgaun e s. Roc Segnas siara cun in surpli da frs. 36'876.58. Gion Tenner declara detagliadamein il quen cun menziunar en special las contribuziuns dil fondo messas fundadas da frs. 45'000.00. El engrazia grondamein a tuttas gidontras e gidonters per lur buna lavur.

### **9. Rapport da quen: baselgia Cavardiras**

Il quen dalla baselgia s. Antoni Cavardiras siara cun in surpli d'expensas da frs. 448.30. Alexa Schuoler declara detagliadamein il quen. Ella engrazia grondamein a sur Georg ed als augsegners gidonters, a tuttas gidontras e gidonters, alla nova calustra Claudia Schmed ed als consuprastonts per la buna collaboraziun.

### **10. Rapport dils revisurs da quen e scarica alla suprastonza**

Il president Linus Maissen engrazia a tuttas ugadessas ed ugaus dallas capluttas e baselgias per lur gronda lavur. Ina remarca: El rapport da gestiun stampau ein capitai sbagls tier ils imports davart ils differents fondos da baselgias e capluttas. Tier la proxima seduta da suprastonza vegn il sbagl curregius. Ils revisurs da quen Romeo Schmed e Graziella Di Bella proponan alla radunonza d'approbar tut ils quens presentai entras ils responsabels e dar scarica alla suprastonza cun admetter ad els in grond engraziament per la buna e seriusa

lavur prestada. Tut ils quens seigien menai schuber ed endretg. Ils quens vegnan approbai unanimamein.

### **11. Damonda da credit per la baselgia s. Antoni Cavardiras**

Ugadessa Alexa Schuoler damonda in credit da frs. 45'000.00 per la sanaziun dil tetg-baselgia e dalla fassada dalla baselgia da S. Antoni a Cavardiras. Unanimamein vegn il credit concedius.

### **12. Preventivs e fixar il pei da taglia 2017**

Willi Lozza, ugau-pervenda, presenta il preventiv dalla pervenda da s. Gions cun in surpli d'entradas da frs. 450.00. Il preventiv vegn approbaus unanimamein.

Claudius Berther, ugau-baselgia, presenta il preventiv dalla baselgia parochiala s. Gions cun in surpli d'entradas da frs. 1'650.00. Medemamein vegn il preventiv approbaus unanimamein.

La suprastonza dalla pleiv s. Gions ensemen cun ils revisurs da quen fan la proposta, da schar il pei da taglia per igl onn 2017 sin 12% digl importo dalla taglia semplia dil cantun. Quella proposta vegn approvada unanimamein dils presents.

### **13. Orientaziuns**

Sur Georg engrazia allas parochianas ed als parochians per tut il grond engaschi el num dil Segner e per la cuminonza dalla pleiv. Cun curascha e grond engaschi veglien ins comunablamein rinforzar in l'auter e possibilitar specialmein als affons e giuvenils d'anflar quei scazi dalla cardientscha.

A Linus Maissen, il president partent, ed a tuts che fineschan oz lur survetschs per la cuminonza admetta sur Georg in grond e sincer Dieus paghi. Als nievelegi giavischa el curascha, forza e perschuasiun ella cardientscha cristiana.

Il president Linus Maissen recamonda da far diever dalla pagina d'internet dalla pleiv e da consultar il feagl official, nua ch'il program da messas vegn publicaus cun pliras informaziuns. El fa attents sin las midadas da temps dallas messas (4 gadas duront las fiastas per 15 min.) ed explichescha che la collaboraziun denter las pleivs seigi impurtanta.

Las duas calustras Ottilia Hosang ed Agnes Deflorin van en pensiun ed han abdicau sin la fin settember 2016. Il president lauda ed engrazia ad ellas per lur grond engaschi.

#### 14. Undraziun

Vicepresident Gion Tenner drezza bials plaids d'engraziament al president partent. Oravontut menziunescha el il grond engaschi dalla tscherca d'in niev plevon ed il nundumbreivel temps per l'integraziun ed il sustegn da lungatg. Nus tuts e tuttas engraziein da cor e giavischein bia temps da recreaziun. Dieus regali a Ti lu in di la dretga pagaglia per tut Tias stentas. Cordiala gratulaziun admettein al niev president Aldo Tuor e giavischein in bien maun da tgamunar la pleiv s. Gions.



*Honoraziun per tuttas stentas e lavur. Da seniester: Linus Maissen (ant. president), Imelda Schnoz, Giusep Duff, Marie Louise Deflorin, Claudius Berther*



Il president continuescha cun las undraziuns. El engrazia per tuts survetschs, dil pli pign tochen al pli grond. In special engraziament admetta Linus Maissen a Maria Decurtins per siu survetsch duront biars onns en casa pervenda. Maria Decurtins ei segidada el tenercasa nua ch'ella ha saviu e pudiu. In pign regal sa buca remplazzar sia lavur, denton quei present vegn surdaus da cor. In pign present da renconuschientscha surdat il president medemamein a mintgin dils partents. Ils daners dils regals han plirs decidiu spontanamein da surdar a cardinal Baslios Cleemis per finanziair en l'India ina casa per paupers senza tetg. L'unfrenda duront messa dalla dumengia proxima vegn era regalada per quei intent social.

## **15. Varia**

Suenter ina cuorta discussiun cun Marcus Jacomet pertuccond la midada dil temps da messas siara il president Linus Maissen la radunonza cun engraziar a tuts presents ed alla suprastonza. La Pleiv s. Gions porscha in refrestg ed envida cordialmein da star da buna cumpignia.

Cuort suenter la finiziun dalla radunonza generala arriva cardinal Baslios Cleemis. El vegn beneventaus cun in grond applaus. Suenter entgins plaids da beinvegni salida il cardinal tut ils presents cun dar persunalmein a mintgin il maun. Pli tard engrazia el grondamein per tut, giavischa tut bien e buna notg!

*Per il protocol:  
actuaia Corina Manetsch*



## Rapport dil president

Papa Francestg ha serrau la porta sontga ella baselgia da s. Pieder a Ruma. Cun quella gesta ei gl'onn dalla misericordia ius a fin. «Quei onn dalla Mumma dalla misericordia ha envidau nus da turnar anavos tier igl essenzial da nossa veta» ha el detg avon mellis pelegrins sin la piazza gronda a Ruma. Papa Francestg vuleva drizzar l'egliada dil cartents oravontut sin persunas paupras, malsaunas e persunas en pitgiras ed el envida nus da cuntinuar cun quella via era sunter igl onn dalla misericordia. Per l'emprema gada ha ei buca mo a Ruma dau ina da quellas portas sontgas, mobein era dapertut sin igl entir mund.

Preziadas parochianas, preziai parochians, per l'emprema gada astgel jeu informar Vos davart il curriu e passau enteifer nossa pleiv. Durent quei emprem onn hai jeu sespruau da s'informar pli detagliadamein davart las differentas incumbensas dalla pleiv ed era dallas biaras e variontas incaricas che gidonters e gidontras dalla pleiv exequeschan.

### La Pastoraziun

«Savens sefatschentein nus cun la damonda: Mein nus encunter in temps senza spirituals? Quella damonda occupa buca mo augsegners e la suprastonza dalla pleiv, mobein era biars fideivels.» Questas lingias ein pridas ord in rapport annual d'avon 30 onns. Il tema ei pia buca novs. La situaziun ei - mirondu entuorn ellas pleivs dalla Surselva - buca semigliurada, mobein vegnida pli virulonta. Nossa pleiv astga actualmeins esser grondamein cuntenta cun nies plevon sur Georg ch'ademplescha siu engaschi cun gronda premura, carisma e plascher. In grond engraziament ad el persunter.

Per nies grond cletg astgein nus era sebasar sin igl agid dad augsegners pensiunai, sco sur

Alexi, sur canoni Pius e sur Martin. Nus havein grond plascher ch'els gaudan la pensiun en nossa vischinonza ed ein adina puspei prompts da celebrar la s. messa ni in auter survetsch.

### Collaboraziun cun Tujetsch

Dapi in onn diregia nies organist Claudio Simonet era il chor baselgia a Sedrun. Aschia eis ei stau necessari d'anflar ina collaboraziun denter las duas pleivs. Oravontut a caschun dallas fiastas grondas settracta ei d'anflar ina cunvegnientscha pertuccont las uras dils survetschs divins en las duas pleivs. Quei ei buca adina fetg sempel. Bugen sperein nus sin la capientscha da tut quels che van quels dis en baselgia.

### Viseta dil cardinal Baselios Cleemis

Igl ei stau ina gronda honur per la Pleiv s. Gions d'astgar beneventar cardinal Baselios Cleemis Thottunkal ord l'India tier nus. Sco cau dalla baselgia syromalancaria ch'ei cun 171 uestgius e 191 uestgs unida cun Ruma ha igl ault magistrat visitau siu anteriur scolar ed actual plevon da Mustér, sur Georg. Dumengia, ils 10 d'avrel 2016 ha giu liug ina sontga messa solemna en baselgia parochiala. Ils premcommunicants han accumpignau il cardinal en baselgia, sis augsegners han concelebrau ed il chor baselgia ha cantau la messa da s. Francestg, cumponida da Franz Xaver Witt, en quater vuschs cun accumpignament dall'orgla. Durent igl aperitiv en halla Cons ha la pleiv surdau al cardinal ina cristalla sco regurdientscha da sia viseta. Per siu project da construir casas per famiglias paupras ha la pleiv surdau ad el ina biala donnaziun.



*Viseta dil cardinal Baselios Cleemis*

### **Nova calustra**

Sin la fin settember 2016 han las duas calustras Agnes Deflorin ed Ottilia Hosang remess igl uffeci da calustras dalla baselgia parochiala s. Gions. Duront 9 onns han ellas duas ademplier lur funcziuns ed ellas han fatg quei cun gronda premura, cun grond engaschi e cun gronda perseveronza. Ellas eran presentas cu ei duvrava, adina era la baselgia bein preparada, schubra, bein decorada, en emprema lingia pils survetschs divins, denton era per tut igl auter ch'ei succediu en nosa baselgia. Agnes ed Ottilia eran pils plevons in grond agid. Ins ha sentiu, ch'ellas han fatg quella lavur cun plascher e tschaffen. Nus engraziein da cor per tut la lavur prestada e per igl engaschi duront 9 onns per la baselgia a s. Gions.

Cun grond plascher beneventein nus la nova calustra Corina Manetsch. Nus essan perschuadi, ch'ella vegn ad ademplier siu niev uffeci cun gronda perseveronza, engaschament e cun bia tschaffen. Nus schein ad ella in cordial beinvegni.

### **Nos morts**

En la veta da mintga di dat ei buca mo eveniments legreviels. Adina puspei vegnin nus cunfruntai cun malsognas, accidents ni disgrazias che portan bia cordoli allas famiglias pertuccadas. El decuors digl onn 2016 havein nus stuiu prender cumiau da 21 personas catolicas ch'ei idas vi tier il Segner. Detti il Segner a tut nossas defunctas e tut nos defuncts il ruaus perpeten ed a lur famiglias confiart e curascha.



*Cumiau dallas calustras Ottilia Hosang  
ed Agnes Deflorin (da sen.)*

Tuts nos trapassai meritassen ina menziun en nies rapport annual. Quei ei denton buca pusseivel, perquei lein nus menziunar mo in per persunas ch'èin sefatgas specialmein meriteivlas per nosa pleiv.

### **Valentina Deflorin-Levy, morta ils 7 d'avrel 2016**

Valentina Deflorin-Levy ei naschida ils 18 da november 1930. Per la pleiv ei l'educaziun religiusa da nos affons da gronda impurtonza. Durent biars onns ha ella sco catecheta instruiu nos affons en ductrina. Nus engraziein grondamein per quei survetsch e sperein ch'ella hagi astgau recaltgar la pagaglia divina per quei grond engaschi.

### **Pater Basil Arthur Drack, morts ils 15 da zercladur 2016**

Pater Basil ei naschius ils 28 d'october 1920. Ella vegliadetgna da 20 onns ei pader Basil entraus ella claustra a Mustér. Sia ordinaziun spirituala ha el retschiert ils 17 da mars 1945. Suenten ses studis ha el instruiu ella scola claustrala latin, grec e filosofia, oravontut durent decennis religiun. Adina puspei eis el segidaus cun nosa pleiv. Pater Basil ei morts en l'aulta vegliadetna da 95 onns. Possi pader Basil esser in bien intercessur al tron celestial per claustra e pleiv.

### **Pater Athanasius Karl Dudli, morts ils 2 da matg 2016**

Pater Athanasius ei naschius ils 29 d'october 1943. Suenten la matura ella scola claustrala a Mustér ha el studiau in onn a Friburg e lu sedecidius d'entrar ella claustra a Mustér. 1971 eis el vegnius ordinaus spiritual entras uestg Johannes Vonderach. Pater Athanas ha biars onns instruiu engles e latin. Propi enconuschents era el sco il pader responsabels pils hospis. Era el ei adina puspei segidaus cun nosa pleiv cun celebrar la sontga messa. Pater Athanasius ei morts ella vegliadetgna da mo 73 onns. Nus essan perschuaadi, ch'il trapassau sesanfla el liug da pasch e vegn ad interceder per claustra e pleiv.

### **Giachen Riedi-Columberg, morts ils 19 da settember 2016**

Giachen Riedi-Columberg ei naschius ils 17 da settember 1925. Durent biars onns eis el segidaus cun la pleiv sco ordinatur tier sepulturas. Nus engraziein da cor per quei survetsch e sperein che Niessegner vegni a remunerar quei engaschi.

### **100 onns Chor baselgia s. Gions**

Dumengia, ils 20 da november 2016 ha il Chor baselgia s. Gions saviu festivar siu



*Il Chor baselgia s. Gions ha saviu festivar siu 100avel anniversari*

100avel anniversari. 100 onns cant en baselgia demuossa buca mo l'affinitad dils cantadurs enviers il cant sacral, mobein era la profunda cardientscha en nosa religiuin. Cun nundumbrevilas produziuns ha il chor baselgia embelliu duront in tschentaner ils survetschs divins ed aschia rendiu laud e honor a Diu. Ina admirabla prestaziun che mereta gronda renconuschienscha. Nossa pleiv astga esser loscha da saver disponer d'in talmein activ chor baselgia. Cun la nova messa festiva *Plaid e Paun*, cumponida d'Alvin Muoth aposta per quei giubileum ha il chor baselgia sut la direziun d'Aluis Hosang ed igl accompignament digl organist Claudio Simonet festivau il giubileum centenar. La scartira commemorativa dat buca mo perdetga dalla gronda prestaziun dil chor baselgia els davos 100 onns, mobein metta l'activitad dil chor en in connex pli vast ch'irradiescha aschia

lunsch sur ils cunfins dil chor, dalla pleiv e dalla vischnaunca.

La pleiv ha susteniu la fiasta centenara sco era la cumposiziun dalla nova messa cun ina contribuziun. Nus engraziein al Chor baselgia s. Gions per sia gronda ed admirabla prestaziun e giavischein ad el vinavon in bien prosperar e sperein, ch'el vegni aunc biars onns ad embellir ils survetschs divins en baselgia parochiala.

### **Instrucziun religiusa**

L'instrucziun religiusa en scola ei ina dallas petgas impurtontas per igl avegnir da nosa pleiv. Sch'ei gartegia buca d'instruir e motivar la juventetgna per nosa baselgia e nosa religiuin vegnin nus buca a saver mantener nosa cuminonza cristiana da pleiv. Cheu fan las catechetas ed il catechets ina zun gronda ed impurtonta lavur. Sper l'instrucziun religiusa

en scola preparan ils catechets/las catechetas ils affons per ils impurtonts dis da l'emprema communiun e la creisma.

Buca emblidar lein nus las menadras dil Salid dil Segner. Cun grond anim meinan ellas ils affons naven da 5 onns en direcziun da nossa cultura cristiana. Possi il sem religius purtar bien fretg ella generaziun vegnenta.

### **Las fiastas ecclesiasticas**

Da s. Gion Battista havein nus astgau retscheiver pader Clau Lombriser sco predicatur festiv. En quei connex ha el giavischau ina sentupada cun giuvens e giuvnas il venderdis sera avon la fiasta da perdanonza. Entras l'organisaziun da l'Uniu da giuventegna tetgala ein in per giuvnas e giuvens separticipai ad ina interessanta discussiun cun pader Clau che ha giu liug en l'aula dalla casa da scola. Ei fuss veramein da beneventar, che nossa giuventegna anflass pli savens igl access cun nossa baselgia e nossa religiun.

Gliendisdis Tschuncheismas ha msgr. avat Vigeli cresmau nos affons dalla 5avla e 6avla classa. Igl ei stau ina zun biala e digna fiasta. In grond engraziament allas catechetas ed als catechets che preparan ils affons per quei impurtont di. In grond engraziament era a msgr. avat Vigeli per sia presenza.

### **Ediziun dil cudisch da sur Sep Fidel Sievi**

Cuort avon Nadal ha nies anteriur plevon sur Sep Fidel Sievi presentau siu cudisch cul tetel «In triangel magic». Il cudisch rapporta en fuorma autobiografica davart las activitads da sur Sep Fidel naven da Val S. Pieder ella Cadi e silsunter a Rueun/Foppa. Sur Sep Fidel ei staus plevon a Mustér naven da 1981 entochen 2000. Quels quasi 20 onns anflan secapescha menziun en sia interessanta publicaziun.

### **Ediziun dil cudisch da sur Martin Bearth**

Igl onn vargau ha era sur Martin Bearth ediu in cudisch autobiografic cul tetel “Sin vias e sendas tras dis ed onns”. En quel lai el reviver schabetgs e reminiscenzas succedidas en sia veta sco pastur dallas olmas. Sur Martin habitescha dapi onns a Mustér e segida fetg savens cun nies plevon.

### **Engraziament**

Alla fin da miu rapport s'auda ei d'engraziar. En miu εμπrem onn sco president dalla pleiv hai jeu fatg persenn tgei grond engaschi e tgei gronda lavur che vegn prestada enteifer la pleiv. Biars e biaras contribueschan e lavuran en favur da nossa cuminonza cristiana. Sch'jeu lessel menziunar mintgina e mintgin, dess quei supplementarmein duas ni treis paginas. Lubi a mi perquei da resumar.

Nies sincer engraziament descha a nies plevon sur Georg ed als spirituals gidonters sur Alexi, sur canoni Pius e sur Martin per lur grond engaschi pastoral. Per las visetas a nos malsauns e per tut ils auters survetschs a parochianas e parochians seigi engraziu da cor. In engraziel fetg era alla venerabla claustra per igl agid per nossa pleiv. In resentiu engraziament a catechetas e catechets ed allas menadras dil Salid dil Segner per l'instrucziun religiosa.

Engraziel fetg a tuttas e tuts dil cussegl pastoral, dil cerchel social-caritativ e dil cerchel liturgic, allas lecturas ed als ordinaturs, sco era allas ministrantas ed als ministrants. Miu engraziament va era alla calustra, agl organist ed al chor baselgia, ad ugadessas ed ugaus-baselgia e capluttas ed a tuttas e tuts che han contribuui ad beinstar da nossa pleiv. E buca il davos in grond engraziament als commembers dalla suprastonza ed a nossa secretaria per sia gronda lavur administrativa.

Preziadas parochianas, preziai parochians

«Vus essas il sal dalla tiara, vus essas la glisch dil mund»! Aschia il plaid ord igl evangeli dalla dumengia che nies plevon sur Georg ha legiu la dumengia suenter sias vacanzas en l'India. La pleiv, nossa cuminonza cristiana sa mo exister era egl avegnir, sche nus essan activs, sche nus prendein art e part e sche nus vivin la cuminonza. Lein sespruar dad esser il sal dalla tiara e la glisch dil mund.

*Mustér, fevrer 2017*

*Per la suprastonza dalla pleiv:*

*Aldo Tuor, president*



## Rapport dil cussegl pastoral

Cun grond plascher e satisfacziun rapportel jeu sur dallas occurrenzas succedidas entras il cerchel liturgic ch'ei responsabels per tuttas activitads en baselgia ed il cerchel social-caritativ che s'engascha per las senioras ed ils seniors da nosssa pleiv.

Ils 9 commembers e commembras dil cussegl pastoral sesprovan d'adempir tut las incaricas per cuntentientscha da vus, caras parochianas e cars parochians. Miu rapport duei dar in sguard anavos sur dil curriu e passau.

Engraziar lessel jeu allas numerusas persunas che segidan voluntariamein en differentas gruppas suttamessas al cerchel liturgic numnadamein:

la gruppa da devoziuns, rusari da morts, retscheiver la bara, salid dil Segner, Rita Furger che porta la communiun als malsauns, las lecturas e las ministrantas ed ils ministrants. Ensemen cun sur Georg sespruein nus adina puspei dad activar la veta en pleiv cun organisar differentas occasiuns, occurrenzas ed eveniments.

### Il cerchel liturgic

#### Nossadunna da candeilas

Gliendisdis igl'empreman fevrer han puspei numerusas parochianas e parochians priu part alla benedicziun dallas candeilas avon casa da scola ed ein silsunter serendi en processiu en claustra per assister – ensemen cul convent claustral – alla sontga messa. Lein mantener e promover quella biala processiu vinavon.

#### Unfrenda da cureisma

Sco usitau havein nus rimnau l'unfrenda da cureisma en baselgia parochiala, en baselgia da Segnas ed en baselgia da Cavardiras. Las donaziuns muntan a frs. 6'101.35. En num dall'organisaziun "Fastenopfer" sco era en nies num engraziain nus a tuts donaturs persunter.

#### Priedis da cureisma

Onn per onn han bials priedis da cureisma liug en claustra ella baselgia da Nossadunna. Culs predicaturs monsignur avat Vigeli Monn e sur Georg retscheivein nus priedis cun buns patratgs ch'accumpognan parochianas e parochians durant la cureisma.

#### Aperos

Ils usitai aperos da Dumengia alva, messa da s. Hubert eav. vegnan organisai dil cerchel social-caritativ. Quei versau team presta onn per onn fetg buna lavur. Grond engraziament persunter.

#### Rogaziun federala

La sontga messa celebrada da monsignur avat Vigeli allas 10.00 uras en claustra e la messa cantada dils chors reuni da Segnas e s. Gions vegn beneventada.

La gruppa da devoziuns ha procurau per ina profunda e commuentonta devoziun il suentermiezdi, era en preschientscha da numerus claustrals, en baselgia parochiala.

#### Devoziun ed unziun per nossas senioras e nos seniors

In grond diember da senioras e seniors ha priu part en claustra alla biala devoziun preparada da sur Georg. Monsignur avat Vigeli ei era segidaus. Bien engraziament ad el persunter. Curaschonts plaid han dau forza a nos attempai ed a tuts presents.

Silsunter ha igl'apero rinforzau olma e tgierp. Bien engraziament al team dalla claustra che ha surviu e puppergnau nus tuts.

#### Messa da s. Hubert

Lusitada messa da s. Hubert ha giu liug ils 12 da november allas 17.00 uras.

Sur Georg, la secziun da catschadurs



Péz Alpetta e la grupp dils sunacorns Badus procuran per ina atmosfera da pasch e cuntentientscha. Catschaduras, numerus catschadurs e musicants, sepresentan en lur bialas monduras da catscha, quei che dat ina tempru tut speciala. Ils bials e sonors tuns han delectau nos cors. Igl aperitiv ha suenter dau caschun a beinenqualin per in discuors e da guder in bien migiel vin. Engraziament a tuts che han priu part sco era al cerchel social-caritativ per la buna organisaziun.

### **Salit da Nossadunna**

Onn per onn seregorda la grupp da devoziuns, ensemen cun biaras parochianas e biars parochians en malencurada, da tut nos morts digl onn. La parentella dils moribunds ei vegnida envidada cun in scriver da prender part. Nus recumandein vinavon a tuts parents quella digna devoziun che ha giu liug ils 6 da november.

### **Adoraziun tgeua**

Lemprema dumengia d'advent, ils 27 da november ei in grond diember da parochianas e parochians da nossa pleiv serendus en baselgia avon il Sontgissim per envidar ina candeila e per seprofundar en l'oraziun. Ina adoraziun individuala che vegn apprezzada.

### **Survetsch divin da Sontgaclau**

Ils 3 da december ha la viseta da Sontgaclau priu sia entschatta en baselgia tier in survetsch divin festiv celebraus da sur Georg ensemen cun la catecheta Corina Defuns e sia classa. In grond engraziament als geniturs ch'ei stai presents. Las suitas da Sontgaclau prendan part onn per onn. In special engraziament ad ellas. Lein mantener quei bi usit.

Il cerchel liturgic organisescha, segida ed embellescha nossas fiastas ecclesiasticas duront igl onn ora.

Ils menaders dils rusaris da morts: Laurenzia Cajacob, Rita Furger, Laurenzia Gadola, Catarina Steger e Benjamin Schuoler meretan in grond compliment ed engraziament pil nunstunclenteivel engaschi. Els procuran che la dolor dallas famiglias en malencurada vegn cheutras sminuida. Igl urar communabel pil trapassau vegn apprezzaus grondamein dalla parentella.

Era als ordinaturs da sepultura Guido Deflorin, Andreas Arpagaus e Baseli Lutz in grond Dieu paghi per lur buna lavur bein organisada.

### **Retscheiver la bara**

Ensemen cun la famiglia en malencurada recitescha la grupp retscheiver la bara ina biala levgiunta devoziun rimnada en in bi cudischet. Alla grupp cun Marcellina Giger, Laurenzia Cajacob, Agnes Deflorin, e Laurenzia Schnoz nies cordial Dieu paghi. Gest quei mument da dolor vegn cheutras levgius als pertuccai.

### **Rapport dalla grupp „Salid dil Segner“**

„Jesus nies muossavia“ secloma il tema che ha accumpignau ils affons uonn tras las devoziuns dil Salid dil Segner.

Il grond muossavia porta in paliet per mintga singula devoziun. Quei paliet vegn mintgamai completaus cun maletgs e cavazzins tenor la historia dalla devoziun. Cun quellas historias emprendan ils affons d'enconuscher Jesus sco muossavia per la veta da mintgadi.

A caschun dil survetsch divin da raccolta han ils affons purtau meila en baselgia per schar benedir alla fin dalla s. messa. Lemprema dumengia d'advent ein ils affons puspei serendi en baselgia. Quella gada ha igl augsegner benediu las decoraziuns d'advent ch'els havevan zambergiau.

Naven dil settember entochen dumengia da palmas vegnan ils affons envidai en tut otg



gadas da s'entupar cun Jesus ed il Bab en tschiel ellas devoziuns dil „Salid dil Segner“. Biars affons prendan part cun grond engaschi e profunda devoziun.

Sin nossa pagina dad internet [www.saliddilsegner.ch](http://www.saliddilsegner.ch) san ins s'informar davart nossa gruppa, l'organisaziun ed ils datums dallas devoziuns. Plinavon san ins contemplar leu fotografias dallas devoziuns.

In cordial engraziament admettein nus a sur Georg, alla suprastonza dalla pleiv, alla secretaria Jris Lombris-Manetsch ed al cussegl pastoral per il sustegn e la confidanza.

In grond engraziament admettein nus a tuts geniturs che sustegnan ed accumpognan lur affons sin via cun Jesus ed il Bab en tschiel.

*Per la gruppa dil Salid dil Segner,  
Corina Defuns.*

### **Il cerchel social-caritativ**

La menadra dil cerchel social-caritativ Laurenzia Schnoz rapporta:

A nossas sentupadas ed occurrenzas duront igl onn ora prendan biaras parochianas e biars parochians part. Quei fa a nus grond plascher ed animescha nus da continuar cun la lavur.

Al tradiziunal lotto dils 25 da fevrer el hotel La Furca ha in pulit diember da personas priu part ed empruau il cletg. Bials premis ein stai da gudignar.

Il gentar communabel el Hotel Catrina Resort ei staus fetg buns e la honzeliadad dil persunal vegn apprezzada.

Ils amitgs dil giug da jass e dallas troccas han era uonn anflau tensiun e cuort'uriala.

Treis occurrenzas han giu liug specialmein pils trochists ed jassists. Cordial engraziament a vus tuts persuerter.

Bugen sperein nus vinavon che vus detties suatientscha a nossas invitaziuns. En num dalla gruppa dil cerchel social-caritativ selegrel jeu d'astgar salidar vus tier ina sentupada ni l'autra.

### **Devoziun tier Nossadunna digl agid a Selva**

La devoziun tier Nossadunna digl agid a Selva, bein preparada entras nies plevon sur Georg, ei stada frequentada fetg bein. Cordial engraziament persuerter. Las participontas ed ils participonts ein stai incantai ed in levgiament spiritual e religius ei semussaus.

La sentupada el Center da sanadad Puntreis tier in bien puschegn ed in scart troccas ni jass ei stada fetg amicabile.

### **Gentar communabel per senioras e seniors**

Sco usitau encunter la fin digl onn, uonn ils 24 da november, ha il tradiziunal gentar communabel el Center Aua viva giu liug.

Il cerchel social-caritativ cun la menadra Laurenzia Schnoz e la cassiera Irene Huonder e lur gidontras e gidonters organiseschan onn per onn quella biala bein preparada occasiun. Il bien gentar carmala in bi diember da participonts. Bunas cuschinieras, buna servitud, la biala decoraziun da meisa e la buna organisaziun cuntentan in e scadin. Il bien menu, in bien migiel vin sco era in bien dessert dattan forza a tgierp ed olma. Era las troccas ed igl jass han buca muncau.

Preziadas parochianas, preziai parochians Igl ei puspei vegniu prestau bia lavur. Cun in pign diember da commembers havein nus sespruau d'ademplir plirs giavischs. Tut ei forsa buca gartegiau. Cun vies interess, vies sustegn, cun vossa participaziun als survetschs divins ed allas devoziuns, sco era cun vies engaschi en favur dalla baselgia e pleiv, segireis vos ina cuntinuaziun dalla lavur dil cussegl pastoral. Per puder e saver ademplir aunc meglier nies pensum drova ei denton persunas ch'ein prontas da segidar cun nus. Novas forzas cun novas ideas e novs impuls ein adina beinvegnidas. Bugen stein nus a disposiziun per damondas e nus fussen fetg engrazievels d'astgar beneventar in ni l'auter en nies miez. Nies clom ha anflau uonn resun tier dunna Irene Huonder e Baseli Lutz ch'ein sedeclearai prompts da segidar cun nus. Nus engrazien ordavon fetg persuenter.

### **Engraziament**

Mirond anavos sin igl onn vargau eis ei miu duer e plascher e miu giavisch d'engraziar grondamein a tut quellas persunas che han susteniu, segidau e cumpignau mei duront miu onn sco president dil cussegl pastoral. Alla fin da miu rapport admittel jeu personalmein ed era en num dils commembers a nies plevon sur Georg, a monsignur avat Vigeli cun ses confrars dalla claustra, a sur Alexi Manetsch

per la substituziun duront las vacanzas da sur Georg, a sur Pius ed a sur Martin per la concelebraziun als survetschs divins, ed a nos spirituals pensiunai, in grond e resentiu engraziament per tutta lavur.

Alla suprastonza dalla pleiv, alla secretaria Jris Lombris, allas calustras Agnes Deflorin ed Ottilia Hosang, che han terminau lur engaschi, sco era alla nova calustra Corina Manetsch in grond e sincer engraziament per la buna nuncumplicada collaboraziun. A dunna Rita Furger che viseta nos malsauns che selegran d'astgar retscheiver ina gada al meins la s. communiun, in sincer Dieus paghi. Era in grond engraziel a tuttas persunas che s'engaschan e segidan en las differentas gruppas. Engraziar lessel jeu era da tut cor a tut quels che han visitau ils survetschs divins, rusaris e las devoziuns.

Ina gada dapli hai jeu saviu sefidar dils commembers dil cussegl pastoral che segidan nua ch'ein san e pon. Ad els in tut special engraziament. Nua ch'ei regia ina buna collaboraziun vegn era prestau buna e cuntenteivla lavur.

Nies bien Diu gidi, pertgiri e protegi nus tuts. Jeu giavischel a vos tuts mo il bien, bia cletg, cuntentientscha e perseveronza per la caussa religiosa.

*Mustér, mars 2017*

*Per il cussegl pastoral*

*Gion Battista Hosang, president*

## Quen dalla pervenda s. Gions per 2016

<b>Expensas</b>	<b>31-12-2016</b>	<b>31-12-2015</b>
<b>Salaris pleiv Mustér</b>	<b>284'313.80</b>	<b>263'999.30</b>
Salaris augsegners	85'400.40	80'812.65
Salaris persunal gidonter	80'323.80	74'456.80
Substituziuns	6'820.00	1'440.00
Ductrina	61'224.20	60'748.85
Giuventetgna Cadi	11'717.15	11'197.90
SVS assicuranza sociala	14'450.85	11'824.40
Indemnisaziun suprastonza	11'500.00	11'855.00
Segiradas d'accident	2'853.80	2'686.30
Cassa da pensiun	10'023.60	7'637.40
Instrucziun da lungatg	-	1'340.00
<b>Contribuziuns</b>	<b>30'225.00</b>	<b>15'600.00</b>
Diversas contribuziuns	5'225.00	600.00
Baselgia s. Gions	8'000.00	10'000.00
Cussegl pastoral	4'000.00	4'000.00
Instituziuns culturalas	13'000.00	1'000.00
<b>Casas pervenda/schischom</b>	<b>43'274.95</b>	<b>47'975.20</b>
Manteniment	30'922.75	22'964.50
Mobiliar ed indrezs	3'325.35	5'463.75
Taxas annualas	1'317.50	1'563.70
Manteniment indrezs	2'185.70	3'709.55
Electricidad casa pervenda	1'225.15	1'253.65
Ieli casa pervenda	2'677.15	2'981.35
Segiradas casa pervenda nova	917.20	939.30
Segiradas casa pervenda veglia	52.65	461.45
Segiradas schischom	46.80	47.20
Perimeter Via s. Gions	604.70	8'590.75
<b>Caplania Segnas</b>	<b>21'176.50</b>	<b>20'530.95</b>
Salaris persunal gidonter	18'355.20	18'385.20
Taxas annualas	714.50	632.65
SVS assicuranza sociala	594.15	717.75
Segiradas d'accident	73.90	72.85
Segiradas casa pervenda	704.85	722.50
Manteniment casa pervenda	733.90	-
<b>Caplania Cavardiras</b>	<b>11'415.75</b>	<b>19'707.90</b>
Salaris augsegners	377.00	
Salaris persunal gidonter	10'225.20	10'521.50
Taxas annualas	500.45	497.50
SVS assicuranza sociala	59.55	884.85

<b>Expensas</b>	<b>31-12-2016</b>	<b>31-12-2015</b>
Segiradas d'accident	36.80	187.65
Manteniment Baselgia s. Antoni	-	5'000.00
Segiradas casa pervenda	216.75	218.85
Manteniment casa pervenda	-	2'397.55
<b>Diversa</b>	<b>26'120.76</b>	<b>126'431.27</b>
Material da biro	935.55	1'987.55
Apparaturas da biro	3'628.00	1'084.50
Indrez da fotocopiar	3'075.68	2'641.04
Access internet	936.80	831.80
Spesas da banca	147.40	125.44
Telefon	1'628.50	1'545.60
Francaturas, porto	866.10	631.85
Divers regals / occurenzas	4'874.25	1'164.20
Donaziuns	100.00	100.00
Rapport annual	1'994.40	1'943.05
Archiv	950.60	570.00
Radunonza generala	1'169.30	1'391.15
Diversas expensas	5'363.08	1'446.34
Taxas radio e televisiun	451.10	448.25
Amortisaziuns		
<b>Total expensas</b>	<b>416'526.76</b>	<b>494'244.62</b>
<b>Entradas</b>		
<b>Taglias / contribuziuns</b>	<b>412'807.35</b>	<b>488'863.45</b>
Taglia pleiv	324'438.50	335'531.60
Baselgia catolica dil Cantun grischun	53'231.00	52'424.00
Taglia alla fontauna Cantun grischun	35'137.85	31'907.85
Vendita casa pervenda veglia		69'000.00
<b>Tscheins</b>	<b>5'222.65</b>	<b>6'892.35</b>
Tscheins activs	816.25	675.75
Tscheins casa pervenda Cavardiras	3'600.00	4'200.00
Tscheins schischom	638.00	638.00
Tscheins parcadis Sut Gliendas	-	1'200.00
Diversas entradas	168.40	178.60
<b>Total entradas</b>	<b>418'030.00</b>	<b>495'755.80</b>
Total expensas	416'526.76	494'244.62
Total entradas	418'030.00	495'755.80
<b>Surpli entradas/expensas</b>	<b>1'503.24</b>	<b>1'511.18</b>

**Bilanza dils 31 da december 2016**

<b>Activas</b>	<b>31-12-2016</b>	<b>31-12-2015</b>
<b>Total mieds finanziaals</b>	<b>541'141.75</b>	<b>539'778.61</b>
Contocurrents	105'795.55	39'078.16
Contos da spargn	422'377.70	461'782.80
Daner da termin		20'000.00
Assegn Banca Raiffeisen Cadi	200.00	200.00
Taglia anticipada	268.50	217.65
Emprest	12'500.00	18'500.00
<b>Total mieds administrativs</b>	<b>6.00</b>	<b>6.00</b>
Casa pervenda	1.00	1.00
Casa pervenda Segnas	1.00	1.00
Casa pervenda Cavardiras	1.00	1.00
Schischom Dulezi	1.00	1.00
Schischom e clavau Acla da Fontauna	1.00	1.00
Schischom Sontget	1.00	1.00
<b>Total activas</b>	<b>541'147.75</b>	<b>539'784.61</b>
<b>Passivas</b>		
<b>Total capital jester</b>	<b>2'154.40</b>	<b>2'294.50</b>
Passivas transitoricas	2'154.40	2'294.50
<b>Total capital agen</b>	<b>538'993.35</b>	<b>537'490.11</b>
Capital agen	512'490.11	510'978.93
Reserva casa pervenda	25'000.00	25'000.00
Sperdita/gudogn	1'503.24	1'511.18
<b>Total passivas</b>	<b>541'147.75</b>	<b>539'784.61</b>

*Mustér, ils 8 da schaner 2017*

*ugau pervenda*

*Willi Lozza*

## Quen dalla baselgia parochiala s. Gions 2016

<b>Expensas</b>	<b>31-12-2016</b>	<b>31-12-2015</b>
Uorden per il survetsch divin	3'969.59	1'922.11
Embelliment dalla baselgia (flurs, candeilas)	2'252.90	2'525.40
Assicuranza da baghetgs	2'956.70	2'985.70
Assicuranza digl inventar	2'795.70	3'002.05
Energia, scaldament, glisch	7'360.30	6'708.95
Cudischs	1'057.75	673.91
Publicaziuns fegl ufficial etc.	1'221.80	1'158.60
Abonnaments per manteniment d'apparaturas	300.00	1'191.80
Divers quens da reparaturas e manteniment	7'383.50	7'179.55
Aultplidaders novs	0.00	10'750.30
Perimeter Via s. Gions	690.95	1'146.70
Honorar ordinaturs	775.00	1'125.00
Contribuziun ministrants	500.00	500.00
Contribuziun chor baselgia	2'000.00	2'000.00
Taxas da rumians, canalisaziun ed aua	2'206.75	1'954.20
Diversas expensas	64.30	4'493.15
Spesas da banca, portos	57.80	71.35
<b>Total expensas</b>	<b>35'593.04</b>	<b>49'388.77</b>

<b>Entradas</b>		
Unfrendas	17'806.60	15'585.85
Donaziuns	1'400.00	612.65
Contribuziun pleiv s. Gions	8'000.00	10'000.00
Contribuziun fondo messas fundadas	10'000.00	10'000.00
Diever baselgia, concerts etc.	1'300.00	1'550.00
Tscheins dretg Alp Cristallina	300.00	350.00
Vendita cudischs	476.00	481.00
Diversas entradas	453.45	60.10
Restituziun taglia anticipada	315.00	315.00
Tscheins capital	585.00	586.45
<b>Total entradas</b>	<b>40'636.05</b>	<b>39'541.05</b>

Total entradas	40'636.05	39'541.05
Total expensas	35'593.04	49'388.77
<b>Surpli entradas</b>	<b>5'043.01</b>	<b>-9'847.72</b>



## Bilanza per ils 31 da december 2016

Activas			31-12-2016	31-12-2015
Conto current nr. 11079.72			52'187.20	47'144.19
Daner a termin nr. 11079.20/1290	1.50%	20.01.2012 - 20.01.2019	40'000.00	40'000.00
Daner a termin nr. 11079.20/1640	1.00%	07.11.2013 - 07.11.2020	30'000.00	30'000.00
<b>Total activas</b>			<b>122'187.20</b>	<b>117'144.19</b>

Passivas				
Capital agen			117'144.19	126'991.91
Gudogn			5'043.01	9'847.72
<b>Total passivas</b>			<b>122'187.20</b>	<b>117'144.19</b>

*Mustér, ils 13 da schaner 2017*  
*ugau-baselgia*  
*Romeo Schmed*

## Quen dalla baselgia s. Bistgaun e s. Roc Segnas 2016

<b>Expensas</b>	<b>31-12-2016</b>	<b>31-12-2015</b>
Uorden per survetsch divin	1'386.00	965.22
Embelliment dalla baselgia	354.25	367.85
Assicuranza da baghetgs	699.75	706.60
Assicuranza d'inventari	605.80	649.50
Scaldament	2'246.85	1'390.40
Energia per glisch ed installaziuns	454.35	403.45
Cudischs	38.15	
Servis d'orgla e tuchiez	634.20	5'216.65
Diversas reparaturas	1'738.15	4'832.10
Restauraziun teschamber	37'779.15	
Taxas da rumians, canalisaziun, aua, polizia da fug	529.40	438.35
Spesas da banca, porti	83.00	9.00
Diversa	55.00	
<b>Total expensas</b>	<b>46'604.05</b>	<b>14'979.12</b>
<b>Entradas</b>		
Unfrendas	4'141.95	4'940.00
Donaziuns	0.00	628.00
Contribuziuns fondo messas fundadas	0.00	45'000.00
Diversas entradas	0.00	120.00
Tscheins capital	123.05	46.35
Cassa da candeilas	849.95	1'121.35
<b>Total entradas</b>	<b>5'114.95</b>	<b>51'855.70</b>
Total entradas	5'114.95	51'855.70
Total expensas	46'604.05	14'979.12
<b>Surpli expensas</b>	<b>-41'489.10</b>	<b>36'876.58</b>

## Bilanza per ils 31 da december 2016

Activas	31-12-2016	31-12-2015
Conto da spargn Banca cantunala	238'590.45	276'305.45
Conto da spargn Banca Raiffeisen	5'326.13	8'685.03
Restituziun taglia anticipada	140.10	140.10
Activas transitorias		415.20
<b>Total activas</b>	<b>244'056.68</b>	<b>285'545.78</b>

Passivas		
Capital agen	285'545.78	248'669.20
Gudogn/sperdita	-41'489.10	36'876.58
<b>Total passivas</b>	<b>244'056.68</b>	<b>285'545.78</b>

Segnas, ils 2 da fevrer 2017

ugau-caplania

Gion Tenner



Il niev teschamber a Segnas

## Quen dalla baselgia s. Antoni Cavardiras 2016

<b>Expensas</b>	<b>31-12-2016</b>	<b>31-12-2015</b>
Energia, scaldament, glisch	3'310.55	3'041.90
Assicuranzas	1'530.90	1'583.95
Taxas annualas; aua, rumians	575.55	494.20
Candeilas, devoziunalias	4'202.45	2'844.90
Spesas da banca	8.00	8.00
Manteniment orgla	325.00	325.00
Manteniment tuchiez	302.40	302.40
Manteniment baselgia	–	1'575.00
Manteniment paramenta	–	–
Embelliment baselgia	415.20	1'116.15
Diversas expensas	–	256.60
Festivitat da s. Antoni	667.00	406.50
Sanaziun dil tetg-baselgia e fatschada	45'708.55	–
<b>Total expensas</b>	<b>57'045.60</b>	<b>11'954.60</b>

<b>Entradas</b>		
Unfrendas cun statua da s. Antoni	4'941.40	4'636.30
Candeilas	6'308.80	5'594.85
Tscheins activs	956.60	975.15
Diever dalla baselgia (nozzas)	–	–
Restituziun vischnaunca (electricitad tualetta)	300.00	300.00
Donaziun tetg-baselgia e fatschada	36'932.25	–
<b>Total entradas</b>	<b>49'439.05</b>	<b>11'506.30</b>

Total entradas	49'439.05	11'506.30
Total expensas	57'045.60	11'954.60
<b>Surpli expensas</b>	<b>-7'606.55</b>	<b>-448.30</b>

## Bilanza per ils 31 da december 2016

Activas	31-12-2016	31-12-2015
Conto da commembers nr. 12642.73	55'887.93	64'932.48
Conto current nr. 12642.92	3'616.55	2'178.55
Daner a termin nr. 12642.55/1802, 0.625%, (2019)	100'000.00	100'000.00
Daner a termin nr. 12642.73/1943, 0.375%, (2017)	60'000.00	60'000.00
Assegn Banca Raiffeisen Cadi nr. 1480	200.00	200.00
Taglia anticipada	301.70	301.70
<b>Total activas</b>	<b>220'006.18</b>	<b>227'612.73</b>

Passivas		
Capital agen	227'612.73	228'061.03
Gudogn/sperdita	7'606.55	448.30
<b>Total passivas</b>	<b>220'006.18</b>	<b>227'612.73</b>

*Cavardiras, ils 10 da schaner 2017*

*ugadessa-caplania*

*Alexa Schuoler-Mathiuert*



*Restauraziun dil tetg e dalla fatschada encunter vest*

## Facultad dils fondos da baselgias e capluttas

	31-12-2016	31-12-2015
<b>Baselgia parochiala s. Gion Battesta</b>		
Ugau: Romeo Schmed		
Fondo baselgia s. Gions	122'187.20	117'144.19
Fondo messas fundadas s. Gions	232'343.59	238'668.99
<b>Baselgia s. Placi</b>		
Ugau: Romeo Schmed		
Fondo baselgia s. Placi	30'428.10	29'742.75
<b>Baselgia s. Gada</b>		
Ugau: Romeo Schmed		
Fondo baselgia s. Gada	315'634.44	313'515.89
<b>Baselgia da Nossadunna, Acletta</b>		
Ugau: Corsin Maissen		
Fondo baselgia	35'434.50	37'585.45
<b>Baselgia s. Bistgaun e s. Roc, Segnas</b>		
Ugau: Gion Tenner		
Fondo baselgia	244'056.68	285'545.78
Fondo messas fundadas	58'044.30	55'562.25
<b>Caplutta Sontgaclau, Mumpé Tujetsch</b>		
Ugau: Sigisbert Manetsch		
Fondo caplutta	31'098.20	29'177.75
<b>Caplutta s. Valentin, Mumpé Medel</b>		
Ugau: Baseli Jacomet		
Fondo caplutta	22'664.80	23'079.10
<b>Caplutta s. Antieni, Pardomat</b>		
Ugau: Christian Duff		
Fondo caplutta	17'522.45	17'608.45
<b>Caplutta s. Leci, Disla</b>		
Ugau: Max Deplazes		
Fondo caplutta	2'998.86	2'977.41

	31-12-2016	31-12-2015
<b>Caplutta s. Giachen, Cuo</b>		
Ugau: Adrian Deflorin		
Fondo caplutta	34'750.05	34'913.90
<b>Baselgia s. Antoni, Cavardiras</b>		
Ugadessa: Alexa Schuoler		
Fondo baselgia	220'006.18	227'612.73
Fondo messas fundadas	29'923.20	49'314.44



## Rapport dils revisurs

Ella seduta dils 15 da fevrer 2017 havein nus, tenor incarica digl artechel 28 dalla constituziun dalla Pleiv s. Gions, repassau ils quens ed il menaschi finanziel dalla pervenda, dalle baselgias e dalle capluttas dalla pleiv per igl onn 2016.

Per mauns dalla radunonza generala savein nus dar il suandont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidas decididas dalla suprastonza tenor las cumpetenzas dalla constituziun.

Sin basa da nossas controllas fagein nus alla radunonza generala las suandontas propostas:

- a) d'approbar la bilanza e quen administrativ per ils 31 da december 2016 dalla pervenda, dalla baselgia parochiala s. Gions, dalle caplanias Segnas e Cavardiras 2016 e dalle capluttas tenor las cefras presentadas;
- b) da dar scarica alla suprastonza ed als funcziunaris;
- c) d'exprimer in meritau engraziament alla suprastonza, als augsegners ed a tuttas ugadessas/ tuts ugaus per lur nunstunclenteivel engaschi.

*Mustér, ils 15 da fevrer 2017*  
*revisurs*  
*Graziella Di Bella*  
*Pirmin Monn*

Il Cussegl pastoral enquera adina puspei persunas ch'ein prontas da segidar e s'engaschar per nossa pleiv. Interessentas ed interessents san s'annunziar directamein tier il president dil cussegl, Battesta Hosang ni tier il secretariat da nossa pleiv. Nus selegrein da mintga maun che segida cun nus.

## Preventiv dalla pervenda per 2017

<b>Expensas</b>	<b>2017</b>	<b>Quen 2016</b>
<b>Salaris pleiv Mustér</b>	<b>283'950.00</b>	<b>284'313.80</b>
Salaris augsegners	83'830.00	85'400.40
Salaris persunal gidonter	76'420.00	80'323.80
Substituziuns	7'000.00	6'820.00
Giuventetgna Cadi	11'700.00	11'717.15
Contribuziun per ductrina	64'000.00	61'224.20
SVS assicuranza sociala	15'000.00	14'450.85
Indemnisaziun suprastonza	11'500.00	11'500.00
Segiradas d'accident e malsogna	3'000.00	2'853.80
Cassa da pensiun	10'000.00	10'023.60
Instrucziun da lungatg	1'500.00	-
<b>Contribuziuns</b>	<b>19'000.00</b>	<b>30'225.00</b>
Diversas contribuziuns	1'000.00	5'225.00
Baselgia s. Gions	8'000.00	8'000.00
Contribuziun al cussegl pastoral	4'000.00	4'000.00
Contribuziuns instituziuns culturalas	6'000.00	13'000.00
<b>Casa pervenda/schischom</b>	<b>23'000.00</b>	<b>43'274.95</b>
Manteniment casa pervenda	5'000.00	30'922.75
Mobiliar ed indrez	3'000.00	3'325.35
Taxas annualas	2'000.00	1'317.50
Manteniment indrez	4'000.00	2'185.70
Electricitad casa pervenda	1'500.00	1'225.15
Ieli casa pervenda	3'000.00	2'677.15
Segiradas casa pervenda nova	1'000.00	917.20
Segiradas casa pervenda veglia	-	52.65
Segiradas e cuosts schischom	100.00	46.80
Perimeter Via s. Gions	3'400.00	604.70
<b>Caplania Segnas</b>	<b>24'300.00</b>	<b>21'176.50</b>
Salaris persunal gidonter	19'000.00	18'355.20
Diversas taxas annualas	800.00	714.50
Segiradas casa pervenda	800.00	704.85
SVS assicuranza sociala	600.00	594.15
Segirada d'accident e malsogna	100.00	73.90
Manteniment casa pervenda	3'000.00	733.90

<b>Expensas</b>	<b>2017</b>	<b>Quen 2016</b>
<b>Caplania Cavardiras</b>	<b>14'100.00</b>	<b>11'415.75</b>
Salaris persunal gidonter	10'200.00	10'602.20
Diversas taxas annualas	500.00	500.45
Segirada casa pervenda	200.00	216.75
SVS assicuranza sociala	100.00	59.55
Segirada d'accident e malsogna	100.00	36.80
Manteniment casa pervenda	3'000.00	-
<b>Diversa</b>	<b>20'200.00</b>	<b>26'120.76</b>
Material da biro	1'000.00	935.55
Apparaturas da biro	1'000.00	3'628.00
Indrez da fotocopiar	3'000.00	3'075.68
Access internet	1'500.00	936.80
Spesas da banca	200.00	147.40
Telefon	2'000.00	1'628.50
Francaturas, porto	1'000.00	866.10
Divers regals / occurrenzas	2'000.00	4'874.25
Donaziuns	500.00	100.00
Rapport annual	2'000.00	1'994.40
Archiv	1'000.00	950.60
Radunonza generala	1'500.00	1'169.30
Diversas expensas	3'000.00	5'363.08
Taxas radio e televisiun	500.00	451.10
Amortisaziuns	-	-
<b>Total expensas</b>	<b>384'550.00</b>	<b>416'526.76</b>
<b>Entradas</b>		
<b>Taglias / contribuziuns</b>	<b>383'200.00</b>	<b>412'807.35</b>
Taglia pleiv	300'000.00	324'438.50
Cantun grischun taglia alla fontauna	30'000.00	35'137.85
Baselgia catolica dil Cantun grischun	52'000.00	53'231.00
Pleiv Medel per ductrina	1'200.00	-

<b>Entradas</b>		
<b>Tscheins</b>	<b>4'600.00</b>	<b>5'222.65</b>
Tscheins activs	200.00	816.25
Tscheins casa pervenda Cavardiras	3'600.00	3'600.00
Tscheins schischom	650.00	638.00
Diversas entradas	150.00	168.40
<b>Total entradas</b>	<b>387'800.00</b>	<b>418'030.00</b>
Total entradas per	387'800.00	418'030.00
Total expensas per	384'550.00	416'526.76
<b>Surpli entradas</b>	<b>3'250.00</b>	<b>1'503.24</b>

*Mustér, ils 11 da schaner 2017*  
*ugau pervenda*  
*Willi Lozza*

## Preventiv dalla baselgia parochiala s. Gions per 2017

<b>Expensas</b>	<b>2017</b>	<b>Quen 2016</b>
Uorden per il survetsch divin	2'200.00	3'969.59
Embelliment dalla baselgia parochiala	2'000.00	2'252.90
Assicuranza da baghetgs, inventari e responsabilidad	6'000.00	5'752.40
Energia, scaldament e glisch	6'200.00	7'360.30
Publicaziuns, cudischs	1'700.00	2'279.55
Abonnaments per manteniment d'apparaturas	1'200.00	300.00
Honorar ordinaturs	800.00	775.00
Contribuziun chor baselgia	2'000.00	2'000.00
Taxas da rumien, canalisaziun, aua e fiug	2'000.00	2'206.75
Reparaturas e manteniment	5'000.00	7'383.50
Perimeter Via s. Gions	-	690.95
Remplazzament dil pilotadi dil scaldament dalla baselgia	12'500.00	-
Niev sistem per arver autom. l'escha dalla baselgia	6'000.00	-
Contribuziun ministrants	500.00	500.00
Diversas expensas	2'500.00	122.10
<b>Total expensas</b>	<b>50'600.00</b>	<b>35'593.04</b>
<b>Entradas</b>		
Unfrendas	16'000.00	17'806.60
Donaziuns	-	1'400.00
Contribuziun Pleiv s. Gions	8'000.00	8'000.00
Fondo messas fundadas	10'000.00	10'000.00
Tscheins dretg Alp Cristallina	350.00	300.00
Diever baselgia, concerts etc.	500.00	1'300.00
Vendita da cudischs	-	476.00
Tscheins da capital	600.00	585.00
Restituziun taglia anticipada	300.00	315.00
Diversas entradas	-	453.45
<b>Total entradas</b>	<b>35'750.00</b>	<b>40'636.05</b>
Total entradas	35'750.00	40'636.05
Total expensas	50'600.00	35'593.04
<b>Surpli expensas/entradas</b>	<b>-14'850.00</b>	<b>5043.01</b>

Mustér, ils 11 da schaner 2017  
 ugau-baselgia  
 Romeo Schmed

## Fixaziun dil pei da taglia per 2018

La suprastanza dalla Pleiv s. Gions ed ils revisurs da quen proponan alla radunonza generala dalla Pleiv s. Gions/Mustér da fixar il pei da taglia sco suonda:

Per igl onn 2018 duei il pei da taglia restar sco per 2017 sin 12% digl importo dalla taglia semplia dil cantun.

**[www.pleivdisentis.ch](http://www.pleivdisentis.ch)**

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historics anfleis Vus leu era igl urari dallas messas, las annunzias da mort, sco ulteriuras informaziuns davart nosssa pleiv.

## Officials dalla Pleiv s. Gions

<b>1.</b>	<b>Suprastonza</b>	
	Tuor Aldo, president	
	Georg Changeth, plevon (ex off.)	
	Tenner Gion, vicepresidente ed ugau-baselgia Segnas	
	Lozza Willi, ugau-pervenda	
	Schmed Romeo, ugau-baselgia S. Gions	
	Hosang Gion Battesta, president dil cussegl pastoral	
	Schuoler Alexa, ugadessa-baselgia Cavardiras	
<b>2.</b>	<b>Revisurs da quen</b>	
	Graziella Di Bella–Flepp	
	Pirmin Monn	
<b>3.</b>	<b>Ugaus-caplutta</b>	
	Acletta	Maissen Corsin
	Cuoz	Deflorin Adrian
	Disla	Deplazes Max
	Madernal	Claustra Mustér
	Mumpé Medel	Jacomet Baseli
	Mumpé Tujetsch	Manetsch Sigisbert
	Pardomat	Duff Christian
	Sogn Placi	Romeo Schmed
	Sontga Catrina	Condrau Giusep
	Sontga Gada	Romeo Schmed
<b>4.</b>	<b>Commembers dil cussegl pastoral</b>	
	<i>1. Comite</i>	
	Hosang Gion Battesta, president	
	Georg Changeth, plevon (ex off.)	
	Lozza Willi, vicepresidente	
	Huonder Irene, cassiera	
	Schnoz Laurenzia, assessura	
	<i>2. Cerchel liturgic</i>	<i>3. Cerchel social-caritativ</i>
	Buschor Josef	Schnoz Laurenzia, menadra
	Caduff-Kneidinger Giusep	Huonder Irene
	Casanova Ermelinda	Tschuor Angelina
	Lutz Baseli	





## **Register**

Invitaziun alla radunonza generala dalla Pleiv s. Gions/Mustér	1
Protocol	2

## **Rapports**

Rapport dil president	7
Rapport dil cussegl pastoral	13

## **Rendaquens**

Quen dalla pervenda s. Gions per 2016	17
Bilanza dils 31 da december 2016	19

Quen dalla baselgia parochiala s. Gions 2016	20
Bilanza per ils 31 da december 2016	21

Quen dalla baselgia s. Bistgaun e s. Roc Segnas 2016	22
Bilanza per ils 31 da december 2016	23

Quen dalla baselgia s. Antoni Cavardiras 2016	24
Bilanza per ils 31 da december 2016	25

Facultad dils fondos da baselgias e capluttas	26
Rapport dils revisurs	28

## **Preventivs**

Preventiv dalla pervenda per 2017	29
Preventiv dalla baselgia parochiala s. Gions per 2017	32

## **Pei da taglia**

Fixaziun dil pei da taglia per 2018	33
-------------------------------------	----

## **Officials dalla pleiv**

Officials dalla Pleiv s. Gions	34
--------------------------------	----



**P.P.**

**7180 Disentis/Mustér**